



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«07» 09 2021թ.

No 11/11-4/55593-2021

«ՇԱՆԹ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՆ
ԸՆԿԵՐՈՒԹՅԱՆ (ՀՎՀՀ 05504868) ՏՆՕՐԵՆ
ՊԱՐՈՆ ԱՐԹՈՒՐ ԵԶԵԿՅԱՆԻՆ
ՀԱՍՑԵ՝ ՔԱՂԱՔ ԳՅՈՒՄՐԻ ՎԱՋԳԵՆ ՍԱՐԳՍՅԱՆ ՀԵՌՈՒՍԱԿԵՆՏՐՈՆ
ԷԼ. ՓՈՍՏԻ ՀԱՍՑԵ՝ account@shanttv.am

Ի լրումն 22.07.2021 թվականի թիվ 11/11-4/45098-2021 գրավոր պահանջի

ԳՐԱՎՈՐ ՊԱՀԱՆՋ

Հարգելի պարոն Եզեկյան

Հայտնում ենք, որ 23.11.2020 թվականին ՀՀ պետական եկամուտների կոմիտեի և «Շանթ» ՍՊԸ-ի (ՀՎՀՀ 05504868, գրանցման համար՝ 29.110.00409) միջև կնքվել է պարտավորությունների աստիճանական մարման ժամանակացույց՝ 407.841.177 դրամի չափով, 9 ամիս ժամկետով: Ի ապահովումն «Շանթ» ՍՊԸ-ի ժամանակացույցով նախատեսված պարտավորությունների կատարման՝ Հայաստանի Հանրապետության պետական եկամուտների կոմիտեի և «Շանթ» ՍՊԸ-ի, ի դեմս տնօրեն Արթուր Եզեկյանի (անձ. BA3404879, տրված

12.03.2019թ-ին 001-ի կողմից) միջև կնքվել են շարժական գույքի /Կոշտ/ գրավի պայմանագիր, համաձայն որի գրավադրվել է Արթուր Սաշայի Եզեկյանին սեփականության իրավունքով պատկանող «Շանթ» ՍՊԸ-ի 52 տոկոս բաժնեմասից 22 տոկոս բաժնեմասը և անշարժ գույքի /Հիփոթեքի/ գրավի պայմանագիր, համաձայն որի գրավադրվել է «Շանթ» ՍՊ ընկերությանը սեփականության իրավունքով պատկանող քաղաք Գյումրի, Սավոյան փողոց թիվ 20/1 հասցեում գտնվող անշարժ գույքը, որը բաղկացած է 0.38775 հա հողամասից և 293.24 քմ ընդհանուր մակերեսով շենք-շինությունից: Համաձայն «Ա.Գ. Էսթեյթ» ՍՊԸ-ի կողմից 15.10.2019թ-ին տրված գրավադրված գույքի գնահատման հաշվետվության՝ վերոնշյալ անշարժ գույքի շուկայկան արժեքը կազմել է 61.563.000 ՀՀ դրամ:

«Շանթ» ՍՊԸ-ի կողմից ժամանակացույցով սահմանված վճարումը չի վճարվել, ինչպես նաև ընկերության կողմից չի կատարվել ժամանակացույցի 5-րդ կետով սահմանված պահանջները՝ այն է «Կազմակերպությունը պարտավորվում է նաև ՀՀ օրենսդրությամբ սահմանված ժամկետներում և կարգով կատարել 22.09.2020 թվականից հետո առաջացող հարկային պարտավորությունները», արդյունքում ժամանակացույցը խախտվել է:

Հայաստանի Հանրապետության հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման առաջին իսկ խախտման դեպքում հարկային մարմինը խախտման օրվանից հետո՝ 10 աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:

Հիմք ընդունելով վերոգրյալը 22.07.2021 թվականին Հայաստանի Հանրապետության պետական եկամուտների կոմիտեի կողմից ընկերությանն է ներկայացվել թիվ 11/11-4/45098-2021 գրավոր պահանջը:

Համաձայն Հայաստանի Հանրապետության հարկային օրենսգրքի 437-րդ հոդվածի 12.2-րդ մասի՝ ընկերության կողմից գրավոր պահանջը ստանալուց հետո երեք աշխատանքային օրվա ընթացքում չի կատարվել ժամանակացույցով սահմանված հարկային պարտավորությունը:

Ղեկավարվելով Հայաստանի Հանրապետության հարկային օրենսգրքի 437-րդ հոդվածի 13-րդ կետով՝ Հայաստանի Հանրապետության պետական եկամուտների կոմիտեի կողմից թիվ 11/11-



4/45098-2021 գրավոր պահանջը 30.07.2021 թվականի թիվ 11/11-4/47137-2021 գրությամբ ներկայացվել է Հայաստանի Հանրապետության արդարադատության նախարարության հարկադիր կատարումն ապահովող ծառայություն Հայաստանի Հանրապետության հարկային օրենսգրքի 437-րդ հոդվածի 4-րդ կետի համաձայն ի հաշիվ գրավադրված Արթուր Սաշայի Եզեկյանին սեփականության իրավունքով պատկանող «Շանթ» ՍՊԸ-ի 52 տոկոս բաժնեմասից 22 տոկոս բաժնեմասի հաշվին «Դատական ակտերի հարկադիր կատարման մասին» Հայաստանի Հանրապետության օրենքով սահմանված կարգով մարելու նպատակով:

Հաշվի առնելով, որ ընկերության կողմից մինչ օրս թիվ 11/11-4/45098-2021 գրավոր պահանջի շրջանակում չի կատարվել հարկային պարտավորությունները, ուստի ղեկավարվելով Հայաստանի Հանրապետության հարկային օրենսգրքի 437-րդ հոդվածի 4-րդ կետով՝ Հայաստանի Հանրապետության պետական եկամուտների կոմիտեի կողմից ընկերության հարկային պարտավորությունների մարումը «Դատական ակտերի հարկադիր կատարման մասին» Հայաստանի Հանրապետության օրենքով սահմանված կարգով կիրականացվի նաև ի հաշիվ գրավադրված «Շանթ» ՍՊ ընկերությանը սեփականության իրավունքով պատկանող քաղաք Գյումրի, Սավոյան փողոց թիվ 20/1 հասցեում գտնվող անշարժ գույքի:

ՀԱՐԳԱՆՔՈՎ

9/7/2021



ԱՐՄԱՆ ՄՆԱՅԱԿԱՆՅԱՆ

ԻՐԱՎԱԲԱՆԱԿԱՆ Signed by: MNATSAKANYAN ARMAN 2012760074

ՎԱՐՉՈՒԹՅԱՆ ՊԵՏ

ԱՐՄԱՆ ՄՆԱՅԱԿԱՆՅԱՆ

Կատարող՝ ՀՀ ՊԵԿ իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Արտակ Գալստյան
հեռ. 011-54-91-91 /91-95/



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am